

Ака́фист
в честь Срѣтениа Пресвятыя Владычицы наша Богородицы
с праведною Елисаветою в горнем граде Иудове

Конда́к 1

Избранней от всех родов Приснодеве Богородице, по преславнем Благовещении в Горнюю страну со тщанием востекшей, похвальная пения вернии приносим. Ты же, Владычице, яко Тайница сущи Предвечнаго Совета и вместилище всех Царя, Христа и Бога, трисолнечным светом озари поющия Ти: Радуйся, Обрадованная, в горняя умы и сердца наша возводящая.

И́кос 1

Архангельский глас вопиём Ти, Чистая: «Радуйся, Благодатная, Господь с Тобою! Благословенна Ты в женах, и благословен Плод чрева Твоего!», в сретение же Тебе умно исходяще, со святою и праведною Елисаветою зовём: «Откуда нам сие, да прииде к нам Мати Господня?», и тайне Божественнаго Воплощения дивящися, восписуем Ти похвальная:

Радуйся, Отроковице Богоневестная;
радуйся, Мати Слова Неискусобрачная.
Радуйся, Духом Святым осененная;
радуйся, Троицы обитель священная.
Радуйся, ангельских умов удивление;
радуйся, человеческого рода украшение.
Радуйся, горняя с дольными совокупившая;
радуйся, врата райская земнородным отверзшая.
Радуйся, Премудрости Божия приятелище;
радуйся, Жизни присносущная сокровище.
Радуйся, древняя клятвы разрешение;
радуйся, прародителей избавление.
Радуйся, Обрадованная, в горняя умы и сердца наша возводящая.

Конда́к 2

Видев праведный Захария Ангела Господня, стояща одесную олтаря, смутися, Ангел же рече ему: «Не бойся, Захарие, зане услышана бысть молитва твоя, и жена твоя Елисавет родит сына тебе, и наречеши имя ему Иоанн, той будет велий пред Господем, и Духа Святаго исполнится еще из чрева матери своей!» Захария же вопроси: «По чесому разумю сие?» И отвещав Ангел рече ему: «Понеже не веровал еси, се будеши молча и не могый проглаголати, егда же сбудутся сия, возопити имаши благих подателю Богу: Аллилуиа!»

И́кос 2

Разум Божественных словес разумен Захарии явися, егда Елисавет зачат отроча в старости своей, якоже иногда праведнии Иоаким и Анна неплодства разрешившися, родиша пронареченную Богородицу Марию, чистоты плод и целомудрия, Еяже пришествие в дом Захариин и сретение со Елисаветою ныне славяще, воспоём сие:

Радуйся, сладкое Чадо родителей неплодных;
радуйся, Плоде Богодарованный.
Радуйся, цвете неувядаемый;
радуйся, стебле Богонасажденный.
Радуйся, неплодства разрешение;
радуйся, благочадия подание.
Радуйся, Еяже ради отчее поношение отьяся;
радуйся, Еяже ради сила ложеснам матерним даровася.
Радуйся, отрасли святая от корене Иессеова;

ра́дуйся, дщи Авра́мова и Дави́дова.

Ра́дуйся, рождество́м Твои́м ра́дость ми́ру яви́вшая;

ра́дуйся, явле́нием Твои́м Богоявле́ние предвозвести́вшая.

Ра́дуйся, Обра́дованная, в го́рняя умы́ и сердца́ на́ша возводя́щая.

Конда́к 3

Си́лою Вы́шняго осененная Богоизбра́нная Отрокови́ца ны́не шество́вие творит в Го́рнюю страну́, мы же си́е сердечными очесы́ ви́дяще, ино́е пресла́вное восхожде́ние на па́мять приво́дим, якоже иногда́ Мари́я триле́тствующая пра́ведными Свои́ми роди́тели во хра́м приведе́на бы́сть, и яко о́блак от земли́ к небеси́, со тща́нием ко святи́лищу по степе́нем ле́гце взо́шла есть, священоси́цам де́вам псалмы́ и пе́сни возглаша́ющим и пою́щим благи́х подателю́ Бо́гу: Аллилу́иа.

И́кос 3

Име́яше хра́м зако́нный, якоже инде́ глаго́лется: завесе́, свети́льник, трапезу́ и предложе́ние хле́бов, по вторе́й же завесе́ — ски́ния, глаго́лемая Свята́я Святы́х, злату́ иму́щи кади́льницу, и Ковче́г Завета́, в нёмже ста́мна злата́, иму́щая ма́нну, и жезл Ааро́нов прозя́бший, и скрижа́ли Завета́. Вся же сия́ о́браз бя́ху бу́дущих та́ин, я́же на Тебе́ пресла́вно, Де́во, имя́ху соверши́тися, сего́ ра́ди зове́м Ти:

Ра́дуйся, хра́ме Святы́я Сла́вы Безсме́ртнаго Отца́ Небе́снаго;

ра́дуйся, ски́нии одушевле́нная Сы́на Бо́жия Единоро́днаго.

Ра́дуйся, завесе́ плоти́ Предвече́нному Сло́ву истка́вшая;

ра́дуйся, де́вство и рождество́ сочетав́шая.

Ра́дуйся, Свята́я Святы́х бо́льшая;

ра́дуйся, Хле́ба Животна́го трапезо́ Пресвята́я.

Ра́дуйся, благоуха́нная злата́я Кади́льнице;

ра́дуйся, Ковче́же позлаще́нный Ду́хом.

Ра́дуйся, Ста́мно манноприе́мная;

ра́дуйся, Двере́ заключе́нная.

Ра́дуйся, Скрижа́ле Богопи́санная;

ра́дуйся, Же́зле прозя́бший.

Ра́дуйся, Обра́дованная, в го́рняя умы́ и сердца́ на́ша возводя́щая.

Конда́к 4

Бу́рю вну́три име́я помышле́ний сумни́тельных, пра́ведный Заха́рия смяте́ся, ви́дев мла́ду отрокови́цу, никимже держи́му, по степе́нем хра́ма восходя́щую, оба́че Ду́хом позна́в Богоизбра́нную Мари́ю, я́ко архиере́й Божий во вну́треннейшее завесе́, во Свята́я Святы́х предста́ви, ужа́сяся и по́я Бо́гу: Аллилу́иа.

И́кос 4

«Слы́ши, Дщи, и ви́ждь, и приклони́ у́хо Твое́, и забу́ди лю́ди Твоя́ и дом отца́ Твоего́, и возжела́ет Царь добро́ты Твоея́, и поклони́шися Ему́!» — глаго́ла святы́й проро́к во псалме́х, предъявля́юще пресла́вное та́инство, е́же на Тебе́, Чи́стая Дево, имя́ше соверши́тися. Ны́не же сбы́тие словес́ сих ви́дяще, во град Иу́дов мы́сленно вслед Тебе́ гряду́щии, в весе́лии и ра́довании поём:

Ра́дуйся, Отрокови́це богоизбра́нная;

ра́дуйся, Чадо́, благода́ти испо́лненное.

Ра́дуйся, всех дще́рей земны́х превосходя́щая;

ра́дуйся, и са́мых Небе́с вы́ше явля́ющаяся.

Ра́дуйся, по степе́нем хра́ма ле́гце возше́дшая;

ра́дуйся, во Свята́я Святы́х ра́достно вступи́вшая.

Ра́дуйся, луче́, во мра́це ми́ра сего́ возсия́вшая;

ра́дуйся, заре́, прише́ствие Госпо́дне предвозвести́вшая.

Ра́дуйся, благоволе́ния Бо́жия пре́ображе́ние;

ра́дуйся, челове́ков спасе́ния пропове́дание.

Ра́дуйся, господа́ствию тезоименно́ нарече́нная;

ра́дуйся, Де́во Всесвяще́нная.

Ра́дуйся, Обра́дованная, в го́рняя умы́ и сердца́ на́ша возводя́щая.

Конда́к 5

Богоизбра́нная Отрокови́ца во святѣлици́ пребы́ваше, яко́же го́рлица, псаломски́ храмину́ обрѣтши́ во дво́рех Господни́х, день и но́щь в ра́зуме Божественны́х словес́ поуча́ющися и от А́нгела пи́щу Небе́сную та́йно прие́млющи, ны́не же в дом Заха́риин ѿдет, во чре́ве Своём Бо́га Сло́ва па́че естества́ нося́щи, непреста́нно моля́щися и пою́щи Бо́гу: Аллилу́иа.

Ўкос 5

Ви́деша Тя дрѣвле, Де́во, во о́бразех и се́нех Божественни́х проро́цы, те́мже проро́коша Тя бы́ти Ста́мну и Жезл, и Скрижа́ль и Несеко́мую го́ру. Мы же, сбы́тиѣ словес́ сих ви́дяще, Пречи́стая, и Всесвято́е вмести́лище Сла́вы Бо́жия Тя разумева́юще, ум и се́рдце на́ша в го́рняя возво́дим и вопие́м:

Ра́дуйся, ле́ствице, Иа́ковом предви́денная;

ра́дуйся, врата́, Иезеки́лем предзри́мая.

Ра́дуйся, вертогра́де, Псалмопе́вцем проявленны́й;

ра́дуйся, о́блаче ле́гкий, Иса́ием предъявленны́й.

Ра́дуйся, звездó, Валаа́мом пророкованная;

ра́дуйся, горó, Дани́илом предвозвеще́нная.

Ра́дуйся, о́дре Царя́ Вели́каго, вещанны́й Соломо́ном;

ра́дуйся, руно́ ороше́нное, образо́ванное Гедео́ном.

Ра́дуйся, земле́ ненасе́янная;

ра́дуйся, купино́ неопали́мая.

Ра́дуйся, небе́ одушевле́нное;

ра́дуйся, сла́дкий Раю́.

Ра́дуйся, Обра́дованная, в го́рняя умы́ и сердца́ на́ша возводя́щая.

Конда́к 6

Посла́нник Бо́жий и благове́стник предвѣчны́х та́йны, Арха́нгел Гаври́ил пе́рвее разреше́ние Елисаветина́ непло́дства и рожде́ство Предте́чево Заха́рии предвозвести́, в шесты́й же ме́сяц по́слан бы́сть в Назаре́т благовести́ти Де́ве зача́тие, и глаго́ла Ей: «Ра́дуйся, Мари́ам, благослове́нна Ты в жена́х, и благослове́н Плод чре́ва Твоего́!». Она́ же, при́ймши целова́ние, дивя́щися возопи́ Бо́гу: Аллилу́иа.

Ўкос 6

Воссия́ Ёстина́ от земли́, и Пра́вда с Небесе́ прини́че в Благовеще́нии Твоём, Всесвята́я. Ты бо слы́шавши Арха́нгеловы глаго́лы, пе́рвее смутѣ́ся и «Ка́ко бу́дет сие́?» — рече́, о́баче Божественно́му смотре́нию повиную́щися, возгласи́: «Се раба́ Господня́, бу́ди Ми по глаго́лу твоёму́!» Уведевши́ же, яко́ Елисавет, ю́жика твоя́, зача́т отро́ча в ста́рости сво́ей, ѿде́ в Го́рняя со тща́нием ви́дети ю́ и целова́ти, сего́ ра́ди вопие́м Ти:

Ра́дуйся, прекра́сная Сло́ва пала́то;

ра́дуйся, черто́же Небе́снаго Царя́.

Ра́дуйся, послуша́нием преслуша́ние Ёвы́ исцели́вшая;

ра́дуйся, смире́нием Твоём пла́ч Ада́мов утоли́вшая.

Ра́дуйся, колесни́це пресвята́я Су́щаго на Херуви́мех;

ра́дуйся, селе́ние пресла́вное Су́щаго на Серафи́мех.

Ра́дуйся, А́гнице, во чре́ве понесе́шая Божественно́го А́гнца;

ра́дуйся, свѣтче, в Не́мже пе́рстом Бо́жиим написа́ся Сло́во.

Ра́дуйся, сла́вою небе́сных превозше́дшая;

ра́дуйся, заступле́нием земны́х возвесели́вшая.

Рáдуйся, Свеще разумная;
рáдуйся, Мáти Свѣта.
Рáдуйся, Обрáдованная, в гóрняя умы и сердцá нáша возводящая.

Кондáк 7

Хотя́ челове́ком спасѣние даровáти, Господь с небесѣ на зѣмлю призрѣ, и Ед́ину от всех родо́в Дѣву избрá во обитель Себѣ. Тѣмже Предвѣчное Сло́во, я́ко до́ждь на руно́ и я́ко ка́пля, ка́плющая на зѣмлю, снѣде во утрóбу Твою́, Пречы́стая, Емуже́ зовѣм: Аллилу́иа.

И́кос 7

Но́вое чу́до и Боголе́пное, деви́ческую бо двѣрь затворѣнную прохóдит Господь: та́йно в ложесна́х Твои́х, Благодáтная, Сло́во Ипостáсное в плоть и кровь облекáется и зрак раба́ я́ве приѣмлет во спасѣние челове́ков, тѣмже Тя вси роди́, я́ко Богоневѣстную Мáтерь, сѣце велича́ют:

Рáдуйся, Дѣво́ предызбрáнная;
рáдуйся, Мáти преблагословѣнная.
Рáдуйся, всех земнорóдных превѣ́шшая;
рáдуйся, чистото́ю Ангелы превозше́дшая.
Рáдуйся, звездó, явля́ющая Со́лнце;
рáдуйся, свети́ло незаходима́го Свѣта.
Рáдуйся, Цáрства гóрняго украше́ние;
рáдуйся, мѣра до́льняго утешѣние.
Рáдуйся, чѣстая голубѣ́це;
рáдуйся, нетлѣ́нная А́гнице.
Рáдуйся, неискусобра́чная Невѣсто;
рáдуйся, возрасти́вшая нам клас Животá.
Рáдуйся, Обрáдованная, в гóрняя умы и сердцá нáша возводящая.

Кондáк 8

Стра́нная и пресла́вная слы́шана бы́ша во гра́де Иу́дове, егда́ Елисавет, жена́ Заха́риина, в ста́рости заче́нши, непраздна обрѣ́тесе, оба́че тая́шесе мѣсяц пять, глаго́лющи: «Я́ко та́ко сотвори́ мне Господь, внегда́ восхотѣ́ отъя́ти поноше́ние моѣ́ в челове́цех», — и в весѣ́лии возопи́ Бо́гу: Аллилу́иа.

И́кос 8

Бы́шняя чинонача́лия а́нгельская удиви́шася пресла́вному Бо́жию схожде́нию, я́ко Бы́шний волею́ снѣде да́же и до плóти, от деви́ческаго чре́ва быв человек, Елисаветино́ же рождество́ чу́до чудесе́ изве́ствоваше, от зде́ бо начáт Предте́ча Христу́ предпосыла́тися, сегó рáди вопиѣ́м Преблагословѣ́нней:

Рáдуйся, Предвѣ́чное Сло́во плóтию восприѣ́мшая;
рáдуйся, Нача́льника мѣра во утрóбе понѣ́сшая.
Рáдуйся, присноживы́й исто́чнице нетлѣ́ния;
рáдуйся, та́йно Божѣ́ственнаго Воплоще́ния.
Рáдуйся, неора́нная нѣво, Бо́гом возде́ланная;
рáдуйся, тучная браздо́, Ду́хом усыре́нная.
Рáдуйся, розго́, грозд красны́й израсти́вшая;
рáдуйся, лозó, жи́зни вино́ источи́вшая.
Рáдуйся, крѣ́не благоуханны́й;
рáдуйся, ши́пок свяще́ннейший.
Рáдуйся, А́нгелов сла́досте;
рáдуйся, челове́ков радосте.
Рáдуйся, Обрáдованная, в гóрняя умы и сердцá нáша возводящая.

Кондáк 9

Всяк земнорóдный да възграётся, Духом просвещаемь, зря Неискусобращную Дёву, Христа́, Солнце Правды чревносящую, и яко óблук лёгкий, во град Иудов со тщанием восходящую, зорею благодати умы и сердца озаряющую поющих Богу: Аллилуиа.

Икос 9

Недоумееет всяк язык изрещи, како Христов Предтеча Мариино целование áбие позна́, Елисавет же, исполнившись Духа Свята, велиим гласом возопи: «Благословенна Ты в женах, и благословен Плод чрева Твоего! И откуда мне сие, да прииде Мати Господа моего ко мне? Се бо, яко бысть глас целования Твоего во ушию мою, възграся младенец радощами во чреве моем!» С нею же вопием Ти:

Радуйся, Дёво Препрославленная;
радуйся, в женах Преблагословенная.
Радуйся, вместилище Божества всего;
радуйся, яко благословен Плод чрева Твоего.
Радуйся, приятелище Нестерпимаго;
радуйся, село Невместимаго.
Радуйся, мысленный Сионе святы́й;
радуйся, Скиние одушевленная.
Радуйся, небес пространнейшая;
радуйся, яко носиши Носящаго вся.
Радуйся, Богоблагодатная;
радуйся, Мати Господня.
Радуйся, Обрадованная, в горняя умы и сердца наша возводящая.

Кондак 10

Спасения нашего провозвестник и покаяния проповедник Иоанн Предтеча во утробе матерней възграением Христова пришествие извести, яко и самой Елисавети зывати к Преблагословенней: «Ты Царя носиши, и аз воина, Ты Законодавца, аз же законоисполнителя, темже благодарственно пою Богу моему: Аллилуиа!»

Икос 10

Стена еси девам, Богородице Дёво, и матерем отрадо, Ты бо паче естества младоносящи, в Горняя со тщанием востекла еси, во еже целовати южику твою Елисавет, и видети еже на ней преславное чудо и слышание. Пребывши же с нею яко три месяцы, в дом свой возвратися, Ангелом дивящимся еже на Тебе страшному таинству и поющим Ти такова́я:

Радуйся, девства сосуде избранный;
радуйся, чистоты начаток непорочный.
Радуйся, воскресения образ облистаяющая;
радуйся, ангельское житие являющая.
Радуйся, чертоже безсеменнаго уневещения;
радуйся, верных Господеви сочетавшая.
Радуйся, Боговместимый кивоте;
радуйся, мироположнице, небеснаго мира исполненная.
Радуйся, ризы светлыми одянная;
радуйся, рясны златыми испещренная.
Радуйся, славо Небесных;
радуйся, упование земных.
Радуйся, Обрадованная, в горняя умы и сердца наша возводящая.

Кондак 11

Песнь преславную Творцу и Богу воспела еси, Всесвятая Дёво, во граде Иудове, глаголющи: «Величит душа Моя Господа, и возрадовася дух Мой о Бóзе Спасе Моём!» — яже и до ныне души наша веселит, и от долувлекущих страстей в горняя возносит, сию же

песнь вѣрнии воспевающе и честь Тебѣ яко Богородительнице воздающе, Сыну Твоему и Богу нашему зовут: Аллилуиа.

Икос 11

Благословенная в женах нареклася еси, Дѣво Всепречистая, яко Вышний призрѣ на смиреніе Твое, и сотвори Тебѣ величіе Сильный, избѣлив во чреве Твоем, Непорочная, вселитися. Ты же вѣровавши глаголаннѣм от Господа, в рождествѣ, и прѣжде рождества, и по рождествѣ обрелася еси совершенно непорочная, ныне же от всех родовъ сѣце ублажаешися:

Радуйся, смиренныхъ возвышеніе;
радуйся, гордыхъ низложеніе.
Радуйся, всею крѣпостию Твоею Господа возлюбившая;
радуйся, всемъ сердцемъ Твоимъ Бога взыскавшая.
Радуйся, светоносный и легкий облаче;
радуйся, носящая Солнце Правды Христа.
Радуйся, Граде живый, вѣчно царствующий;
радуйся, благоуханныхъ цветѣвъ прекрасный раю.
Радуйся, Дѣво Всепречистая;
радуйся, Мати Всеблагая.
Радуйся, христианъ упованіе;
радуйся, погибшихъ взысканіе.
Радуйся, Обрадованная, в горняя умы и сердца наша возводящая.

Кондак 12

Благодать и помощь, Пресвятая Дѣво, подаеши всемъ с вѣрою и любовію к Тебѣ притекающимъ и Божию Тя Матеръ исповѣдающимъ, тѣмже предстательство страшное и непостыдное вѣрнымъ являешися, яко войстину Бога плотию родила еси, Емуже поемъ: Аллилуиа.

Икос 12

Поюще Твое преславное, Дѣво, в домъ Захариинъ пришествіе и еже со святою Елисаветою пречестное сретеніе Твое, славимъ Тя, яко одушевленный храмъ, Богородице, во Твоей бо утробѣ вселився Господь, освяти, прослави и научи всехъ вопити Тебѣ:

Радуйся, землю пречистыми ногъ Твоихъ стопами благословившая;
радуйся, Горнюю страну пришествіемъ Твоимъ освятившая.
Радуйся, живоносныхъ водъ кладезю неисчерпаемый;
радуйся, благодати источниче неоскудеваемый.
Радуйся, сладчайшая рекѣ нетленія;
радуйся, утробѣ Божественнаго Воплощенія.
Радуйся, морѣ, грехъ Адамовъ погрузившее;
радуйся, струѣ, жажду Давидову утолившая.
Радуйся, купеле, всякую скверну очищающая;
радуйся, животочною росѣю души наша напаяющая.
Радуйся, неплодия горькаго разрешеніе;
радуйся, согрешений прощеніе.
Радуйся, Обрадованная, в горняя умы и сердца наша возводящая.

Кондак 13

О, Всепетая Мати, Дѣво Всепречистая и Преблагословенная, всехъ Святыхъ Святѣйшее Слово во чреве Своемъ вместившая и рождающая Спаса Христа, призри на ны, зноемъ греховнымъ истаявшия и неплодныхъ помышленийъ узами содержимыя, и душъ нашихъ горчайшее неплодие исцели, и плодоносны добродетельми ны соделаи, да Твоимъ матернимъ предстательствомъ вѣчныя смѣрти избавльшеся, Сыну Твоему и Богу нашему поемъ: Аллилуиа.

Этот кондак читается трижды, и затем 1-й икос и 1-й кондак.

Молѣтва

О, Пресвятая, Пречистая и Пренепорочная Владычице наша Богородице! Вышши еси всех Ангел и Архангел, и вся твари Честнейши. Всеблагая Бога Мати Благая, Заступнице человеков и грозная Прогонительнице сопротивных сил, избави нас от всякаго греха и укрепи на всяку добродетель, сообрази нас сотвори Сыну Твоему и Богу нашему, да не все нарицаемся именем Христовым, но да явемся истинная Его чада, да будем, яко камене живо, зиждущая в храм духовен, во святительство свято, возносити жертвы духовны, благоприятны Богу, да прибегаем с несумненною верою под всеильный покров Твой, можеш бо всех спасти, яко Мати Бога Вышняго, темже молим Тя: разжени облак страстей, находящихся на ны, остави разжженные стрелы лукаваго, лстивно на ны движимыя, мир Сына Твоего ниспосли в сердца наша, да с радостию зываем: кто по Бозе, яко Владычица наша, Всеблагая, Всеблагомощная и пребыстрая Заступница? Сего ради величаем Тя, яко преизобильно излилася на Тя Божественная благодать, и велие дерзновение имаши, стоящи одесную Престола Божия, неизреченною святостию и чистотою преукрашенная, яко дадеся Тебе от Господа дерзновение безприкладное сохранять, заступати и спасати наследие Сына Твоего.

О Пречистая и Преблагословенная Богородице, спасай же нас, Твоих рабов, Ты бо еси Мати Господа Бога и Спаса нашего Иисуса Христа, сего ради мы, грешнии, к Тебе Пренепорочней и устраненней всякаго греха притекаем и вопием: о солнца светлейшая Мати наша, очисти нас, чада Твоих, многими грехми оскверненных, обаче смиренно зывающих о помощи! Возстави нас падающих, заступи немощных и на путь спасения настави. Молим Тя, Мати Дево Владычице, подаждь нам чистоту сердечную, веру несумленную и любовь истинную! Спаси нас, чада Твоих, аще и недостойно молящихся Ти, очисти, освяти, утверди нас молитвами Твоими, да Тя славим, Помощницу Скороую, Заступницу Усердную и Споручницу Непостыдную пред Сыном Твоим и Богом, Емуже подобает всякая слава, честь и держава, со Безначальным Его Отцем и Всесвятым, и Благим, и Животворящим Его Духом, ныне и присно, и во веки веков. Аминь.